



Jens-Frederik Nielsen
Demokratit sinnerlugit Inatsisartunut ilaasortaq

§ 37 naapertorlugu apeqqutip nr. 007/2022-p akineqarnera

Asasara Jens Frederik Nielsen

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Naalakkersuisut apeqqutitut qujapput taakkualu tullinnguuttumi issuarneqarlutik akissuteqartinneqarput.

03-02-2022
Suliap normua 2022 - 839
All nr. 18975270

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanaq.gl
www.naalakkersuisut.gl

- 1. Peqqissutsimut Naalakkersuisoq pilersaaruteqarnerluni illuatungiliuttuniit salluliorsimasutut imaluunniit ataatsimiinnissamut ulloq 19. November 2021-mut piareersarsimangitsutut kusanaatsumik taajuisimanini utoqqatsissutigissallugu? Taamatut taajuineq Sermitsiaq.ag ulloq 7. December 2021-meersumit atuarneqarsinnaavoq (Danskisunnaq)¹**

Akissut:

7. januar 2022-mi partiit siulittaasui ataatsimeeqatiginerini ilisimatitsissutigivara Peqqinnissamut Naalakkersuisoq Kirsten L. Fencker uippakjaarluni napparsimalersimasoq.

Naalakkersuisut apeqqummut akissuteqarniarlutik Peqqinnissamut Naalakkersuisup nalunaarusiaa tassungalu ilanngussat ulloq 29. december 2021-mi partiit siulittaasuinut nassiunneqarsimasumut innersuussipput. Siusinnerusukkat nassuiaat kakkiussalik tiguneqarsimanneqinammat akissummi matumani kakkiunneqarpoq.

- a. Peqqissutsimut Naalakkersuisoq utoqqatserumassanngippat; Naalakkersuisut Siulittaasuat sinnerlugu utoqqatserniarnerluni?**

Akissut:

Naalakkersuisut Siulittaasuat akissummut ilassuteqaqqullugu saaffigineqarpoq, ataanilu takusinnaavat imaattoq:

"Naalakkersuisut Siulittaasuaniiit pineqartumut tunngatillugu Peqqinnissamut Naalakkersuisoq aamma Demokraatit siulittaasuata akunnerminni aqqitassarigaat".

- b. Peqqissutsimut Naalakkersuisoq utoqqatserumassanngippat; Naalakkersuisut Siulittaasuat Peqqissutsimut Naalakkersuisutut atuuffianiit peerniarnerlugu?**

Akissut:

Naalackersuisut Siulittaasuat akissummut ilassuteqaqqullugu saaffigineqarpoq, ataanilu takusinnaavat imaattoq:

“Naalackersuisut Siulittaasuat Peqqinnissamut Naalackersuisup pisussaajunnaarsinneqarnissaanut pilersaaruteqaqqanngilaq”

2. Peqqissutsimut Naalackersuisoq kusanaatsumik taajuisimanini allatut saatsillugit tunngavilersulissagaluarunigit, paasinerlunneqarsimalluni imaluunniit oqaatigisimanngisaminik saqqummiussisoqarsimaneranik, taava akissutissarserusuppara sooq Peqqissutsimut Naalackersuisumiit naqqiisummik nassiuussisoqarsimannginneranik?

Akissut:

Innersuussutigeqarpoq akissut 1-miittoq takoqqullugu.

Med venlig hilsen
Inussiarnersumik inuulluaqqusillunga


Pele Broberg

Aluu Partiit siulittaasui,

Aqagu sisamangornermi 30. December 2021 ullaakkut qulingiluanut coronamut killiffik pillugu ataatsimeeqatiginiaraluarpassi, unggornartumilli Demokraatit Atassullu itigartitsipput ataatsimiinnissamat peqataajumangillat. Illuatungiliuttuniit partiit siuttui eqqunngitsumik pineqarsimasutut misigisimapput, uanniillu naqqiissummik piumasqaarlutik.

Qanoq pisoqarsimanerani nassuiaasariaqartutut misigisimavunga.

6. december 2021 sermitsiaq.ag – kkut saqqummertoq:

<https://sermitsiaq.ag/kl/demokraatitnaalackersuisut-innuttaasut-sumiginnarpaat>

Demokraatiniik, Atassummiik, Siumumiillu saaassunneqarpunga imak:

- *“...Naalackersuisoqatigiit apriiimi sulinerminnik aallartitsigamilli, killilersuinerit atulersinneqaleraangata partiit siulittaasui tamarmik tusarniaavigineqartarnerat ileqquvoq. Maanna taamaattoqanngilaq, Jens-Frederik Nielsen ilisimatitsivoq...”*
- *“...Aqqalu Jerimissen killilersuinerit nutaat pillugit oqarasuaatikkut paasitinneqarpoq, kisianni aalajangiinernut peqataatinneqanngilaq.*
- *“...Erik Jensen aamma sapaatip-akunnerata siuliani sianerfigineqarpoq, tassani killilersuinerit sorliit atulissanersut oqaaatigineqarpoq, kisianni paasissutissiineruvoq oqaloqatigiinneruallaanngitsoq, taanna Sermitsiaq.AG-mut oqaluttuarpoq...”*

Issuaanerit allaaserisami atuarneqarsinnaapput.

Oqaatigineqartut uannut saassussinertut isigaakka – akisariaqartutullu misigisimallunga – ilumuunngimmatami. Akissutigaa uani allaaserineqarpoq:

<https://sermitsiaq.ag/kirsten-fencker-afviser-kritik-oppositionen> (ajoraluartumik kalaallisut nutserneqarsimanngilaq)

Aalajangiingerit:

Eqqaasilaarusuppassi 20. november 2021 nal. 10.00 killilersuutit nutaat pillugit aggersarneqarnissinni suut aalajangeeqataaffigisimanerisi.

Ataatsimiinnermi peqataasut ukuupput:

Múte B. Egede, Hans Enoksen, Erik Jensen, Jens Frederik Nielsen kiisalu Atassup siulittaasua peqataasinnaanngimmat siulittaasup tullia Nikolaj Rosing peqataavoq.

Ataatsimiinnermi tassani aalajangiunneqartut ilagaat:

- a. ***Pisariaqassappat nalunaarut illoqarfinnut aamma nunaqarfinnut allanut atuutinneqalersinnaassaaq.***

Aalajangiussat sinneri kakkiussami takusinnaavasi.

Qasigianguani killilersuutit atuutilinnginnerini sianerfigaassi ilisimatillusi killilersuutit akuerseqataaffigereernikuusasi atuutilissasut, Jens Frederik pissarsiarinnginnakku sms-ikkut ilisimatinneqarpoq. Tamassilu tapersersuillusi isumaqataallusi oqaaseqarpusi.

Taamaattumik uggoreqaara tupaallaatigalugulu sermitsiaq.ag-kkut taamatut eqqunngitsumik saassunneqarama. Periarfissat assinngitsut taakkartorpakka – sooq taamatut saassusinersi pillugu. Oqaatsikka eqqoriaanerupput, eqqornerisut eqqunnginnersulluunniit ilissi nalilersugassaraarsi – killilersuutimmi tamassi aalajangeeqataaffigaasi.

Coronamut akiuineq parti-qanngilaq, taamaattumik uggoraara aqagu ataatsimiinnissamut itigartitsisoqarmat – corona pillugu killiffik killilersuutillu corona stab-imiit innersuussutigineqartut tusaqqaarnagilluunniit.

Suleriuseq ingerlassimasarput iluarineqarsimangippat suleriusissanik nutaanik siunnersuutissaqartoqarpat tusaanissai ammaffigaara – kissaatiginarporlu corona ataatsimoorullugu akiussagipput.

Inussiarnersumik inuulluarit

Best regards

Kirsten Fencker


Peqqisutsimut Naalakkersuisoq

Minister of Health



Corona pillugu isumasiuineq

Kirsten Fencker
Peqqissutsimut Naalakkersuisoq
20. November 2021





Tunuliaqutaasut

- Ullormi 16. november 2021-mi inuiaqatigiinni tamani 66%-it, kiisalu sullinniakkat (12-init ukiullit angajulliillu) 79,2%-ii akiuussutissamik kapitissimapput.
- Inuit 5621 tamakkiisumik akiuussuserneqarsimangillat. Akiuussuserneqarsimangitsunit tamanit 57,5 %-ivai.
- Akiuussuserneqangitsut 81,2%-ii illoqarfinni najugaqarput.
-
- Peqatigitillugu kingullermik naatsorsuisoqarmat Covid-19-imik tunillatsissimasut 200-upput, piffissarlu tamakkerlugu inuit 1116-it sinnerlugit tunillatsinnikuupput.



Inassuteqaat siulleq

- | Covid-19 akiorniarlugu pingaarnertut iliuusissat maannamut atuuttut 2022-mi ukiup affaata siulliup naanissaata tungaanut atorneqartussatut sivitsorneqarnissaa.



Inassuteqaat – Nuummi atuuttussaq

Ullut 14-it atuunnissaa inassutigaarput:

- Inini kikkunnulluunniit iserfigineqarsinnaasunut tamanut tamakkiisumik akiuussusersimanermut / siusinnerusukkut tunillatsissimanermut uppersaammik takutitsisoqassaaq. Meeqqat marluk ataallugit ukiullit ilaatinneqanngillat taamatutaaq inini pineqartuni sulisut piumasaqaammut ilaatinneqanngillat, taamaattorli PCR atorlugu misissortinnermi tunillatsissimannginnermut piumasaqaateqartoqartariaqarpoq.
- Ininik piginnittut pisiniat tamakkiisumik akiuussusersimanermut inissisimaffiat nakkutiginnissaanut piumasaqaateqassaaq.
- Nuummiit aallalernermi tamakkiisumik akiuussusersimanermut imaluunniit sionatigut tunillatsissimanermut uppersaammik takutitsisoqassaaq. Inuit 12-it ataallugit ukiullit kiisalu angallassissutini sulisut piumasaqaammut ilaatinneqanngillat, taamaattorli PCR atorlugu misissortinnermi tunillatsissimannginnermut uppersaamat takutinneqassaaq. Inuit angerlarsimaffimminnukarniarlutik, inuiaqatigiinni suliassaqtitaallutik angalasut imaluunniit Nunatta Nakorsaaneqarfianit akiuussutissamik kapitinnissamut innersuunneqanngitsut piumasaqaammut ilaatinneqanngillat, kisianni PCR atorlugu tunillatsissimannginnermut uppersaamat takutinneqassaaq.
- Tamanut angallassissutini inillu kikkunniit tamanit iserfigineqarsinnaasunut qanermut imaluunniit kinnamut assiaquteqarnissamut piumasaqaateqassaaq.
- Piffissami 13. november 2021-miit 27. november 2021-p tungaanut Nuummi killilersuinerit pillugit Namminersorlutik Oqartussat nalunaarutaat nr. 64, 12. november 2021-meersoq aamma Nuummi Sisimiunilu killilersuinerit pillugit Namminersorlutik Oqartussat utaqqiisaagallartumik nalunaarutaat nr. 60, 29. oktober 2021-meersoq atorunnaassaaq. Pisariaqassappat nalunaarut illoqarfinnut aamma nunaqarfinnut allanut atuutinneqalersinnaassaaq.



Inassuteqaat – nunatta sinnerani

- Sapaatip akunnerata tulliaata naaneraniit qaammatinilu pingasuni nuna tamakkerlugu atuutilersinneqartussamik nalunaarusiortoqassaaq, immikkullu ittunik aalajangersaasoqassalluni:
 - Inini kikkunnilluunniit iserfigineqarsinnaasunut iserniaraanni tamakkiisumik akiuussusersimaneq / siusinnerusukkut tunillatsissimanermik uppersaammik takutitsisoqartassaaq. Meeqqat 12-it ataallugit ukiullit inimilu tassani sulisut piumasaqaammut ilaatinneqanngillat (aallarniutigaluguli Nuuk mininneqarpoq, takuuk imm.2). Ulluinnarni pisiniarfinni, allakkerivinni, timmisartoqarfinni kiffartuussivinnilu init piumasaqaammi ilaatinneqanngillat.
 - Ininik piginnittut pisiniat tamakkiisumik akiuussusersimanermut inissisimaffiat nakkutiginnissaanut piumasaqarfigineqassaaq pisiniattu tamakkiisumik akiuussuserneqarsimanngitsut anisissavai.
 - Tamanut angallassissutini inillu kikkunnit tamanit iserfigineqarsinnaasunut qanermut imaluunniit kinnamut assiaquteqarnissamut piumasaqaateqartoqassaaq.



Inassuteqaat - angalaneq

Sapaatip akunnerata tulliani qaammatinilu pingasuni nuna tamakkerlugu angalanissamut killilersuutinik atuutilersinneqartussamik nalunaarusiortoqassaaq:

- a. Inuit 12-it sinnerlugit ukiullit nunatsinnukannginnerminni angerlarsimaffimmukarniarlutik imaluunniit tamakkiisumik akiuussusersimassasut kiisalu PCR atorlugu tunillatsissimannginnermik uppersaanissaannik piunasaqaat. Ilaasut angalanerminni qanermut assiaquteqassapputaaq. Piunasaqaammi angallassissutini sulisut ilaatinneqanngillat. Piunasaqaammi angallassissutini sulisut ilaatinneqanngillat. Tamakkiisumik akiuussusersisimanngikkanni imaluunniit siusinnerusukkut tunillatsissimanngikkaanni Nunatsinnut tikereernerup kingorna mattusimagallarnissamut aamma misissorteqqinnissamut piunasaqaateqarneq.
- Meeqqat marluk aqqanillilu akornanni ukiullit angerlarsimaffimmukarniarlutik aamma akiuussusersimanissamut piunasaqaammut ilaatinneqanngillat, kisianni nunatsinnukannginnerminni PCR atorlugu tunillatsissimannginnermut uppersaammik takutitsissapput. Ullut 14-nit sioqqullugu Kalaallit Nunaannukannginnermini nunanit allaninggaanneersimasumik ilaasoqarsimappata umiarsuit tikissinnaanngillat.
- Inuit 12-ileereersuniit nunatsinni angalaniartunut tamakkiisumik akiuussusersimanissaanut imaluunniit PCR atorlugu misissortissimanermut piunasaqaateqartoqassaaq (Nuuk piffissami annikitsumi ilaatinneqanngilaq, takuuk imm.2). Ilaasut angalanerminni qanermut assiaquteqassapputaaq.